

Pendahuluan

Sejarah pemikiran manusia menunjukkan berlaku polemik yang berterusan antara logik akal dan wahyu. Polemik ini berlaku menerusi perdebatan antara ilmu dan falsafah dengan iman dan agama. Polemik yang panjang tersebut melahirkan pelbagai variasi, kecenderungan dan aliran pemikiran manusia. Terdapat sebahagian golongan menolak perbingcangan iman kerana menganggapnya sebagai mitos yang meastasikan dan mengancam akal manusia. Kecenderungan pemikiran ini meyakini bahawa akal mampu mendapatkan kebenaran sejati dan kebahagiaan hakiki bagi manusia.

Penyerapan pemikiran yang mengutamakan logik akal dan mengesampingkan keimanan telah menular secara luas untuk menjelaskan akidah dalam kalangan umat Islam.

Logik Akal Versi Barat (Man is the measure of all thing)

Pemikiran yang mengutamakan logik akal semata-mata telah meletakkan manusia sebagai paksi membuat kebenaran dan parameter segala sesuatu (Man is the measure of all thing). Falsafah dalam logik akal ini juga menjadikan rasional sebagai penentu dalam pertimbangan moral semata-mata. Penggunaan logik akal berlebihan seperti ideologi ini mengakibatkan muncul pandangan kepada kebenaran sebagai suatu yang relatif, skeptikal terhadap persamaan lain dan mengajarkan untuk mempertahankan pendirian masing-masing.

Selain itu pola pemikiran rasional dan pragmatis yang melampau memberikan manusia sahaja mempunyai hak merumuskan nilai baik atau buruk untuk diterima masyarakat. Teori logik akal ini diguna pakai dalam orientasi intelektual moden dan menjadi elemen penting bagi kemunculan peradaban Barat.

Kelahiran peradaban Barat yang memberikan autoriti kepada logik akal membentuk fenomena untuk menafikan keimanan yang dianggap sebagai tradisi atau mitos. Kehendak manusia sebagai parameter menunjukkan penguasaan hawa nafsu mengatasi ketuamaan keimanan kepada Allah SWT seperti dalam firman-Nya:

أَرَأَيْتَ مَنِ اتَّخَذَ إِلَهَهُ هَوَاهُ
أَفَأنتَ تَكُونُ عَلَيْهِ وَكِيلاً ﴿٤٧﴾

Maksudnya: "Nampakkah (wahai Muhammad) keburukan keadaan orang yang menjadikan hawa nafsunya sebagai tuhan yang dipuja lalu ditatapi? Apakah engkau akan menjadi pelindungnya?" (Surah al-Furqan: 43).

Nilai Keimanan Menurut Logik Akal Versi Barat

Logik akal versi Barat mempercayai bahawa kebenaran merupakan sesuatu yang relatif. Barat berpendapat bahawa logik akal mampu memahami fenomena alam dengan sendiri. Semua sistem dibentuk melalui peredaran yang dianggap logik dengan akal pada masa tersebut. Begitu juga logik akal pada sesuatu masa mungkin berbeza pada satu masa yang lain. Oleh yang demikian logik akal versi Barat mengklasifikasikan nilai keimanan sebagai sesuatu yang relatif dan berubah mengikut peradaran dan perkembangan masa. Logik akal versi Barat memberi kebebasan dalam membincangkan nilai keimanan seperti keujudan tuhan dan perundangan tuhan. Selain itu semua orang layak dan bebas menafsir nilai keimanan mengikut logik

KEIMANAN & LOGIK AKAL



akal masing-masing. Hak kebebasan Barat ini mempiktai nilai keimanan dan menyelesaikan persoalan agama dengan logik akal semata-mata. Logik akal versi Barat menjadikan agama sebagai hak individu dengan peraturan yang eksklusif. Manakala sistem lain pula merupakan hak individu yang dibentuk dengan peraturan yang tersendiri. Hal yang demikian menunjukkan setiap sistem mempunyai nilai yang berasingan tanpa terikat dengan agama. Keadan ini juga melahirkan logik akal versi Barat menolak campur tangan agama dalam kehidupan. Menurut logik akal, Barat akan kekal berada dalam kemunduran jika masih kuat berpegang pada agama. Penolakan kepada agama merupakan agenda utama dalam gagasan Barat. Konspirasi ke arah penajahan akal agar tidak berpegang kepada keimanan kepada Allah SWT merupakan perancangan yang dimulikan dalam firman-Nya:

وَلَنْ تَرْضَىٰ عَنْكَ الْيَهُودَ وَلَا
النَّصَارَىٰ حَتَّىٰ تَتَّبِعَ مِلَّتَهُمْ قُلْ إِنَّ
هُدَىٰ اللَّهِ هُوَ الْهُدَىٰ وَلَئِن آتَيْتَ
أَهْوَاءَهُمْ بَعْدَ الَّذِي جَاءَكَ مِنَ الْعِلْمِ
مَا لَكَ مِنَ اللَّهِ مِن وَّليٍّ وَلَا نصيرٍ ﴿٦٠﴾

Maksudnya: "Orang-orang Yahudi dan Nasrani tidak sekali-kali akan bersetuju atau suka kepadamu (wahai Muhammad) sehingga engkau menurut agama mereka (yang telah terpesong itu). Katakanlah (kepada mereka): Sesungguhnya petunjuk Allah (agama Islam itulah petunjuk yang benar). Dan demi sesungguhnya jika engkau menurut kehendak hawa nafsu mereka sesudah datangnya (wahyu yang memberi) pengetahuan kepadamu (tentang kebenaran), maka tiadalah engkau akan diperleh daripada Allah (sesuatu pun) yang dapat mengawal dan memberi pertolongan kepada mu." (Surah al-Baqarah: 120).

Batasan Akal Dalam Islam

Logik akal versi Barat terbatas kepada bukti kajian dan eksperimen melalui panca indera yang lima sahaja. Hal ini menunjukkan akal mempunyai kelemahan dan memili keupayaan yang terhad. Ia bukanlah merupakan sesuatu kecacatan. Namun kekurangan itu memperitahkan peranan akal dalam ruang lingkup bagi tugas yang sebanar. Batasan-batasan dalam Islam melambangkan kemuliaan kedudukan akal dalam diri manusia. Akal tidak mampu untuk memikirkan secara mendalam tentang nilai keimanan seperti membongkar hakikat Allah SWT.

Akal tidak tahu dan tidak dapat memahaminya secara bersendirian kerana banyak melibatkan perkara-perkara yang perundangan serta kaedah-kaedah hukum sesama manusia. Kelemahan akal manusia terbatas dengan kurnian ilmu pengetahuan yang sedikit seperti dalam firman Allah SWT:

وَمَا أوتِيتُمْ مِنَ الْعِلْمِ إِلَّا لَيْلِيًا ﴿١٠٠﴾

Maksudnya: "Dan kamu tidak diberikan ilmu pengetahuan, melainkan sedikit sahaja." (Surah al-Israa': 85).

Selain itu akal tidak dapat menetapkan dengan konsisten dalam baik dan buruk sesuatu perkara. Oleh yang demikian menunjukkan peranan wahyu sebagai pemandu kepada akal. Akal tidak dapat mencerna sesuatu hukum yang berkaitan dengan pahala dan dosa kecuali dengan kehadiran wahyu. Hal yang demikian memperlihatkan akal mempunyai tahap keterbatasan dalam pendallilan akidah. Akal tidak mampu menginterpretasikan hukum seperti wahji dan haram kerana hukum ini ditetapkan oleh kebebasan syarak semata-mata. Begitu juga akal tidak boleh membahaskan faedah tersebut pada hari akhirat kerana akal tidak iri mengenai hari akhirat kecuali dengan pengkhabaran oleh wahyu. Perkara ini menunjukkan terdapat perkara yang khusus hanya milik Allah SWT sebagai mana yang terkandung dalam firman-Nya:

إِنَّ اللَّهَ عِنْدَهُ عِلْمُ السَّاعَةِ وَيُرْوَىٰ
الْغَيْثَ وَيَعْلَمُ مَا فِي الْأَرْحَامِ وَمَا
تَدْرِي نَفْسٌ مَّاذَا تَكْسِبُ غَدًا
وَمَا تَدْرِي نَفْسٌ بِأَيِّ أَرْضٍ تَمُوتُ
إِنَّ اللَّهَ عَلِيمٌ خَبِيرٌ ﴿٣١﴾

Maksudnya: "Sesungguhnya di sisi Allah pengetahuan yang tepat tentang hari Kiamat dan Dialah jua Yang Menurunkan hujan dan Yang Mengetahui dengan sebenar-benarnya tentang apa yang ada dalam rahim (ibu mengandung) dan tiada seseorang pun yang mengetahui apa yang akan diusahakannya esok (sama ada baik atau jahat), dan tiada seorangpun yang dapat mengetahui di bumi negeri manakah dia akan mati. Sesungguhnya Allah Maha Mengetahui, lagi Amat Meliputi pengetahuan-Nya." (Surah Luqman: 34).

Penutup

Penggunaan logik akal semata-mata merupakan orientasi intelektual dalam peradaban Barat. Selain itu meletakkan autoriti kepada logik akal membentuk fenomena untuk menolak keimanan dan menjejaskan akidah dalam kalangan umat Islam. Barat hanya mengikrifi akal sebagai sumber ilmu pengetahuan dari sudut lahiriah sahaja. Manakala Islam menerima akal dari sudut lahiriah juga, bahkan dalam sumber lain iaitu dari sudut rohaniah. Dalam pada itu Islam memposisikan akal tidak terlalu tinggi sehingga disanjung berlebihan. Begitu juga akal tidak direndahkan setaraf haiwan. Akal berada di kedudukan yang selayaknya. Penerimaan akal dan keimanan terdahap wahyu memerlukan keserasian dalam memahami hakikat kebenaran.

Selain itu akal bukan sekadar digunakan untuk menanggapi persoalan falsafah, tetapi menyekang kebenaran yang selari dengan keimanan terhadap wahyu.